

金鎖流珠引卷之五



金鎖流珠引卷之五

思四

中華總真堂掌書方平張道陵趙升長嗣李仲甫李盈許玉芬等後代撰述

中華仙人李溥風注

太玄元炁所生三元引

太玄註太玄上清等上清之始元炁之初元

炁生大道大道生太一太一生三炁之色也
玄黃元白始青此三炁之色三炁烟燭交通
往復黃生赤青生黑此五色之炁也炁生色
炁色相生三五无極炁色結形號之曰神神
形有名標其位明有尊卑更相輔助治邪佑

正藏身求仙出名呪印佐國衛家解罪布福
護善誅惡皆成將吏兵馬前後世異立法不
同簡略之時或從委曲之儀滋繁之日或宜
省要之科是以道應抑引隱顯參差後學成
真受命玄職姓名鄉居隨世代出或无不可

思四

具載今記先師所傳者如左

後聖君授道陵曰子欲修行先知始生始生
禍福立有分明得福者王失福者衰又得禍
者死失禍者生能除刑禍以辨始生假令甲
子金命人元炁在辰辰巽之鄉總也始生在

巳成午未榮申王相酉酉爲福德休在戌廢
在亥刑在子禍在火火元星木命人始生在
亥成子丑榮寅王相卯卯爲福德休在辰廢
在巳刑在午禍在金金元星水命人始生申
成酉戌榮亥王相子子爲福德休在丑廢在
寅刑在卯禍在土土元星土命人同水命人
用火命人始生在寅成卯辰榮巳王相午午
爲福德休在未廢在申刑在酉禍在水水元
星即身從五行始生亦從五行所滅卿能出
刑禍變入長生則成仙人往往如此四年名

入地真仙也金命人熒惑惑火星為禍星常
欲禍金命人人知之以求辰為福星常救止
伏其禍禍自滅不敢行人得長生木命人太
白白金星為禍星常欲禍木命人人知之以
求熒惑為福星常救止伏其禍禍不敢行人
得長生水命人鎮星土星也為禍星常欲禍
水命人人知之以求歲為福星常救止伏其
禍禍不敢行人得長生火命人辰星水星也
為禍星常欲禍火命人人知之以求鎮為福
星常救止伏其禍禍不敢行人得長生土命

思四


二

人歲星木星也爲禍星常欲禍土命人人知
之以求太白爲福星常救止伏其禍禍不敢
行人得長生夫修行之人常先履禹步次北
斗次中斗中斗名天網也故飛步次三台次
五星即用金鎖流珠上卷第十二呪及飛天
網呪五遍及請於則玄身福歲星君與則玄
剋鎮星土炁不得妄行刑禍若刑禍於則玄
身者歲星君與青童君斬剋之急急如律令
餘做此五星靈書中自有行用五星符剋五
行之刑禍度厄守元氣始生者父母也註父

母金木命也配與己身相剋以符止剋今己
身不相剋者以明始生假令母命金子命木
母剋子子必不壽以符止剋之母子俱吉母
命土子命木子剋母亦以五行符止剋之母
子俱吉註餘皆倣此此例者言始生元炁不
思四
相刑剋修道大吉帶五行符剋鎮厄三訖誦父
母始生呪捻刑禍己身訣註假令金人火為
刑禍訣在五行掌訣中具載也祝曰

吾生於父母長在俗間云云呪在金鎖流珠
上卷中有兩呪呪訖步始生禹步一十二步

剋始生災厄每至本命日為之



步綱訖又祝曰

吾生於父母云云是後呢呢亦同一處也始
生行之一年辟非二年金木不相剋水火不
相害三年去死來生四年成地真與人解始
生災禍厄二十年名昇天真位列諸天三五

所元炁

次列三五所生註三者天地人謂三才三元
也三才各居一元故謂之三元註上元主天
中元主人下元主地謂之曰三元將軍一元
一人爲將主之吏兵一元合清三千萬衆人

隨從也上古太上大道君受之於元始元始
傳道君註道君出時天皇之世世人未有法
律上元上部將軍一人出號曰姓唐名短神
力勇猛化身身長九千萬丈領兵帶劍執簡兵
士九千萬衆主天上上極大羅三清之上註

思四

四

玉清上清太清是也上元中部註中部是上
元中將軍主人身中一人之身亦同天同地
以身配天配地一切俱備同也將軍一人姓

李註因老君姓李自令改姓李名拒身長七
千萬丈領兵帶劍右手持戟兵士七千萬衆

上極三清中入人身上除天羅中除五行之
災下消地禍唯李將軍甚能佐衛於人力能
除諸天始生災厄註古人以金作長一寸戴
以絳袋安頭上善於厄中救人也上元下部
將軍一人姓東海古姓今後聖改姓徐註今
用徐姓是也名康身長五千萬丈領兵帶劍
右手持玉陽之節兵士五千萬衆上極上清
中入人身善能治病消除諸天十方九地始
生之處災厄刑禍五行金木水火相滅剋之
害者能以道力消除之又有三元三功曹三

人上元上部唐將軍下五剛神功曹一人姓
姜名毒身長九百九十丈領兵百千萬重人
朱衣赤幘手把金符帶劍在大羅之上上元
中部李將軍下五剛神功曹一人姓張名李
身長七百七十丈領兵百千萬重人赤幘右
手持戟腰帶劍在太極之中上元下部徐將
軍下五剛神功曹一人姓溫名舒身長五百
五十丈領兵百千萬重人赤幘右手持玉陽
之節腰帶劍註上極大羅之天天上天下及
入人右腎之中已上三元功曹出入各從眉

思四

五

間天門中出入甚能令人得法得術叱喝鬼神虎豹毒蛇凶人毒龍精妖魅鬼等此說三

元上部三將軍姓名也註上元上部將軍一

人姓唐名短上元中部將軍一人姓李名拒

上元下部將軍一人姓徐名康并三功曹是

上元一部主天也中元三將軍始生上古人

皇之代三大臣為道隨人皇修行道成得中

元三將軍註風安羅強天生是三人姓名也

後周穆王三大臣替前三人風安等又有三

人後任唐宏註為諫議大夫即今之宰相也

又為司徒司空等官也葛雍註為侍郎司常
卿即今之太常卿也字文度周武註為侍丞
中即今之右丞同右相位也三人學道隨穆
王修六甲三元九宮之法便去官穆王得洞
府之仙隱遊王屋山託解尸而去莫能尋求
遂各精修胎息服炁燒鍊金丹而成服三服
未得昇仙但得不死五百餘年在義嶺太白
等山中三人結盟志共尋求至人願得至道
白日上昇雲天我等今知上界新有大道太
平金闕玄元後聖玉皇上帝上道君今共結至

心願我等三人得佐爲臣至心常願與玉皇
得行志要佐助玉皇下受道之人取千百億
萬功功成我等三人豈敢言功勞常懷救度
之心乞願上天太平金闕玄元後聖玉皇上
道君聖恩遙見念發願之人行之三年果有

思四

六

所遇於太白山秦更始二年七月七日太平
金闕玄元後聖玉皇上道君降于太白山註
古名大圓白天山授唐宏等三人三五金鎖
流珠經一十五卷躡步天綱地紀之法各行
修三年得地真註真是能行綱禁之法救人

疾病者多太上後聖君大喜其道真心內情
立即見再授行之十年再下授此引訣一十
卷三人日夜修行二年果仙得朝後聖君補
以充中元三大將軍之任主領三天正一之
法以配斗爲衣衣斗履斗飛斗戴斗順斗倒
斗反斗橫斗低斗逆斗昂斗坐斗行斗卧斗
註卧斗是安卧眼未閉前存斗如被蓋身周
遍以隨月建所止之神斗魑亦同斗建指斗
魑斗務斗魁斗剛斗柔斗陰斗陽斗邪斗正
斗收斗捕斗誅斗註是步斗誅鬼斬鬼之步

亦轉展舒星斗而斬之禁斗註存步七星而
禁凶惡作斗正形爲羅蓋務魁之獄禁繫鬼
神而堅止下也含斗註含七星於心腹之內
明照五藏弘斗註弘滿天地以去妖惡等法
并以禹步相添正行正一之法立能興動風
雨天地順心太平金闕後聖玉皇上道君給
兵三十萬衆隨正一三將軍錄及禹步錄等
二十四階多論步綱禁法之事立能救濟之
術功滿拔宅昇天如在洞府之間得錄使之
如手應心神力立驗故能上可飛昇得在太

平金闕聖君左右中部道將助衛宮殿追伏
魔王攝錄三官之用細能佐護受錄法修行
綱步之人人能精修心念感用妙在三圖註
二圖一含身二出用三含影等圖皆以存思
出入於心腎之中用即身長一寸從心腎中
出漸漸長八十一丈領兵三千萬衆或收捕
凶惡之衆或五歲中病疾即從眉間入身長
一寸心腎之中安鎮五歲百脉也守之堅五
藏註志人日夜精思唐將軍入在左腎葛將
軍入在右腎周將軍入在心中鎮治五歲及

百脉中除諸邪妖烝疾病之根元也此即後
三元始生也註此是後聖君秦始皇時更始
二年七月七日降於蜀太白山中元三將軍
本太平後聖君所置也賜白日登仙將軍之
位上天入地入水入火六能包天地之極細
能入人身之中護正破邪如霜見日故能常
通威於善行之人每執節於凶惡鬼神保身
助國隨錄言功定志取仙在心不失故能堅

剛於己智慧生心須在中元同力度人註人
行符役使將軍吏兵濟度危厄疾病唇齒山

海毒蛇猛獸龍蛟風水之難皆與度之此功
則以人神俱因符帖而獲功謂之同力謂之
得度而令得度者生歡喜心知有道化謂之
中元三將之功施惠也中元三將軍始生於
人皇之世而以道感天賜授中元三將軍保
衛人皇也後三將軍始置替者即後聖上道
君請於太上大道君將下授張天師即言始
於後聖君置也註按神仙太玄正經云中元
三將軍三人上古人皇以前太上大道之主
虛皇元始天尊賜授太一下為主將領主太

一之府後聖玉皇奏請下界合得道人替前
三人此前人以昇天真之位下界三人即替
三元之位後聖君請入下界名錄正一以佐
護受道之身并諸結心用印掌訣隨符錄驅
使今人授錄者能使結法步綱存之立驗取
道之子受道之後得訣依師行住坐卧長如
坐忘結結捨訣也印存想如圖一年无病能
立去惡救人二年辟兵惡鬼猛獸見伏三年
去死籍四年補正一地真五年神通神力无
比手指凶惡皆自伏心不可妄行行須是損

已之害者已避而不得者須捨其本訣而陰
思斗衣於身斗魁於手指之勅中元三將軍
領兵各三千萬人衆水火獅子毒蛇而一一
擊之必自心伏死不犯於己若不伏者捨凶
惡刀支再使斬刺應手吐血而死陰誦五行
呪身四金木相伐水火相滅云云此是自陰而慎九
之勿行道人不得已而行之又告使訣在左
手大指第二節近左取之註近左是當節須
近左邊是也但是三元三部九將軍總管於
第二節也上元正心中及下元在左常存用

之出如圖左右男女男左手是訣女右手是
也常以存用不惑不安註不幻惑於心不妄
惑加於忠良也立取天真邪毒註邪魔玉妹
氣也毒蛇龍鬼獸也畏敬惠施註志道之人
常以符術濟惠貧病困乏慈力度人厄難行
惠恩德教授賢人是也通神目長堅身廣成
子授黃帝曰帝欲求真莫過堅身帝欲堅身
莫過通神神通之後註欲得見神者有六等
一投籙法二清心寶秘莫泄非人三得真經
真師傳付四得綱紀具足五須得此引修行

志人入門見道六既見門戶修行事得訣所用無失錯此六等修行之法唯訣爲一不得此訣五事俱用不通今世人得授籙法極於上清兼聲教修齋念道香火不絕清心不退全前四等事俱修老一生者至多不見有一人得者皆須求明師兼傳引訣印等方始神通既得神通未得道得道須是明師再訣得度心神心神不起妄想忘加備人物只可度道得道白日拔宅上昇者亦多至如天師許遜王長尹子兄弟上古三皇之徒皆拔都城

宅而去皆莫不因此上中下三元九將軍五
德六紀等將軍及七星九精五斗眾星但天
地水三官合金鎖流珠一十五卷中所部者
眾神眾真仙靈將軍吏兵極通之法即得白
日而上昇或拔宅俱去也昔周時西國胡神

息四

十

成道者是太上老君為務成子之時教胡王
再託身網訣之法得為右玄真人師事大平
金闕玄元後聖玉皇帝上道君者亦因此法
訣得度平等心不非不妄之德子名地理力
可千夫三子地皇五子地王等兄弟三人有

力勇猛精進智慧強人无名君故封爲下元
三大仙官將軍之位領兵衛護得度法錄之
人註後聖今替三人故取以姓應前將軍名
爲號今下元三將軍姓李姓黃姓王應前三
人名也今下元三將軍之始生也人學道不
知上中下三元大將軍始生之因萬无一人
得成道也而今見道劫億以滿註滿前三將
軍得替後李黃王人後聖君封爲三將軍替
前位始生也前人遷昇天真後替依前部領
衛護有志修行之士并主下元人地水中惡

人神龍鬼精祟妖等不正道生行註夫有烝
之物皆好生而畏死常欲取生道而行其中
有凶惡之徒妄行妖祟以禽獸蛇龍之物皆
須誅剪滅絕不論人神龍鬼之物皆依法行
律誅滅即此上中下三元九大將軍行軍之
令令有六條一降伏天魔二制止凶人不行
邪道不逆君師三常護法與法救人疾厄貧
乏四攝龍鬼精妖不為妄祟妄者誅之五感
通志心求道之人貴賤男女註大道不問貴
人賤人但有道性志心傳學得法籙修行便

與言功當今九等將軍保護此等人身家永
无魔難之厄永令無厄難厄難皆與度脫六
常衛護至人行住坐卧身家无有外魔所惑
并急疾關奏章表啓告允達上聞令合天心
言功賞善无失科儀功滿扶志道之人與依
功白日上昇拔宅神通神仙得者上住三清
上中下三元九等將軍各加遷太清太極大
真仙上品各依三皇世三元大將軍遷替品
位註言遷者得遷仙真品位也替者各替三
得受此真人右位也至今釋門中隱呼爲佛

結印之法即言心印是此圖言引書捨訣是也度心平等註心得度平等非身受度衣服之是无益之事也不疾不害註真心无妄无疾无妬自是真人也不慾註慾愛物入意者得之則喜愛物心思者不得則嗔不嗔註真

人之性愛慾得之本有失之與不得心念本無真心定性无嗔故名之真人也能行修三等註堅身一通神二度心是三真人常行三等身自含神註身神自備如含影之圖弘使則繫代如含弘圖之用无不應用之萬事皆

通註真人心起念念物便得惡凶自消也天
地水三官俱與同心註夫修至道成真人用
心慈弘濟度之恩同於天地水三官生成制
止萬物之功化也下元三將軍始生上古地
皇之代九王子註九王子三母生之也隨父
母學道老君時號五靈大道君或號太上无
極先生或號無名君註按老君內傳云太上
老君先天地生姓李名元字文始天王盤古
以前號曰元始天尊虛皇大道君盤古之世
號曰太上道君天皇之世號高上老君地皇

思四

十二

之世號曰無名君人皇之世號曰常存君始
置上中下三元九大將軍皆是後聖君前後
應號所度封補將軍之位與大道將引後學
道之士見并力保已救人疾病教度有性之
人也與地皇說地內經十四篇註正是此金
錄書論吞日吐月之法及正履斗衣星食炁
之理地皇行之十四年滿得道九子亦行之
而封爲將軍地皇修行十四年白日上昇於
清微天號曰仙卿九子隨父王修行一十五
年亦白日拔宅上昇天宮其長註將軍之位

衛護行而不絕者也太上老君元勅曰大道

生一一生二二生三即此之始上元主天象

註象日月星宿官屬城宇官闕河源雲霞雨

雪霜烝之類也中元主人物註物神龍鬼精

猛獸靈禽之屬等物下元主地水中註水中

思四

十三

龍蛟魚鱗甲物之類也千精萬靈皆下元三

將所主也以正道給兵各三十萬衆湧身長

九丈或三丈赤幘大冠或黃幘大冠身甲劍

主制地官却除厄病死之籍注上生名則玄

欲使也捻下元訣註下元三將訣亦左邊更

向外一文左是也一云指甲下佩下元錄圖
及鬼戟錄圖步地紀及禹步三步九跡之要
誦五行相剋呪一十八首每月之中三爲
之自得消災却禍去死來生入兵入水入火
入病入山遠行經過之處有凶人惡鬼毒蛇
猛獸妖惡精物皆自歸伏不生毒害心也即
身得長生計功成真註即前一年辟非二年
辟兵是也老君曰上元辟天魔制天官度星
宿飛天網佩於頭中前聖有告命上元將軍
命詞北斗九精九真七星命詞曰上元唐卿

法主上清日月星宿輪轉无停三元北斗本
无住形天除魔將道炁清明宿運則玄命合
長生與卿躡星魂魄俱行俱行乘龍太一來
迎恭詣華宮後聖君城佐輔後聖同爲仙卿
畢飛天綱註按未步前是也後聖君告命三

官北斗符符在金鎖流珠飛天綱篇中有符
又在大有太丹隱書中兩處有又有中元辟
人魔制陽官兵災厄及金木水火土天地羅
網口舌之徒凶惡人鬼等衆災有七魄三魂
命詞呪註呪在太上隱書及金鎖流珠上卷

中金木相剋水火相滅是也後聖君告命九
精鎮身飛步天網躡地紀符九符註在太丹
隱書中又下元辟地魔制止陰官不清我身
修行之人三魂七魄隨則玄身俱躡天地紀
綱千迴萬轉變現成真出入江山神靈拜送
皆存下元三將軍引領三部兵衆驅御雷公
風雲叱咤清前蕩後百用百中千謀千成人
鬼畏敬龍獸受使坐卧常存萬无不允祕之
後聖君告天師曰上元中元下元各有三將
軍小畫真身形如籙形帶佩註上元安頭上

冠中之中中元繫之在左肘後下元右肘後
便存之從袋中出頭上肘後左右如中下二
元存用二圖中相似出陣也上元如含弘等
圖即行用也若不用時坐卧如含影圖求長
生即禹步註禹步不論日月閑即為之及家
有人疾病口舌即代為之亦不逾三兩日自
消多適速於水火之急秘之勿傳非人有災
厄即禹步能消萬災禹步訖即呪註呪有兩
呪一呪消災求長生呪在金鎖流珠第一卷
中十八首盡誦一呪勅陰官六官呪在後具

勅陰官六宮呪亦後聖君告授呪曰

吾是太上弟子下統六天六天之宮是吾所
部不但所部乃太上之所主吾知六天宮門
名是故長生敢有犯者太上斬汝此呪不論
禹步但每日修行出了靜戶外心誦之一二

思四

十五

遍非常辟災害護身家中有信敬人誦之益
命不死太上老君告太極真人註太極真人
夏禹也曰卿傳正教下仙皆知其始生始滅
天仙上品中品之流亦未能得度生滅卿今
聽取一一與吾教授合仙之人令度生滅夫

下界人物不論貴賤皆從三五始生註三是
三元五是五行夫人皆從三五始生即授王
相之炁亦從三五所滅者即逢休廢之炁而
滅亦從三五所滅註反身皆受三元之炁五
行始生即有金木水火土之屬也而即轉輪
歲建身有盛衰三元之炁王而致來福星衛
祐三炁若衰即禍來剋己金木相剋水火相
刑即身出災福不出也能知三五禹步之宗
門即入長生不死之道此法妙秘不傳非人
妄傳師退仙階弟子被考三元主生運炁天

地註上元主天象下元主地水通人註人通
天地人亦象三元註且三元有九將軍法天
原地通人人有九孔通出納三元炁也人是
五行始成亦是五行所刑刑滅也能解五行
註解是金鎖流珠上卷十八呪及禹步地紀

也能解天地人中三元五行相剋刑禍之災
次即流珠中飛步天網呪云金木水火土五
行相推七星煥煥天網最威云云行之一年
便不死立取長生此後聖君告玉君

右此三元流珠引五行別卷傳說

金鎖流珠引卷之五

式出三次流珠... 外不... 皇... 奇... 王...



